

TA UN HONOR Y PRIVILEGIO PA RINDI HOMENAHE NA TRIO HUASTECA

Fotos y Texto: Jan Poets.

DEN AMBIENTE



** 40 años pasa a nace un grupo forma pa tres mucha cu tabata dedica nan tempo liber di cana den cayanan di Aruba tocando guitarra y cantando. Como un gran aprecio pa e musica mejicana nan a dicidi di yama nan mes TRIO HUASTECA, escohe for di e tres cerronan na Mexico "Las 3 Aztecas". E trio aki tabata forma pa: Etty, Eric y Canawa. Despues di tempo Max a remplaza Canawa y te awe Trio Huasteca ta forma pa: Etty Toppenberg, Eric Escalona y Max Hassell. Durante nan 40 años di existencia, semper Trio Huasteca a destaca entre e mihor nan di Aruba, presentando nan cancionnan di pueblo. Nan tabata tin un solo meta, pa

hiba nan trio entre e mihor nan di mundo. Na año 1978 nan a participa den e grandioso festival di OTI na Santiago, Chile, na unda nan a logra di clasifica na di siete lugar cu e cancion "Cuando un amor se muere". Na año 1979 na San Juan, Puerto Rico, durante e festival "De La Voz y La Cancion" nan a logra di sali na di dos lugar cu e cancion "Cosas de Niño". Na año 1991 Trio Huasteca como e uniconan pa dos biaha te awe, a representa Aruba durante e festival OTI na Acapulco, Mexico, na unda cu e cancion "Mi Buena Amiga" nan a haci un impacto grandi riba prensa mejicano, kendenan a expresa palabranan di elogio pa nan estupendo

actuacion. Durante e trayectoria briyante di Trio Huasteca, nan a actua na diferente sitio nan na Europa, Estados Unidos, Hawaai, Centro y Suramerica, pa cual actualmente nan ta disfrutando inmensamente di nan grato experianan. Pa hopi año Trio Huasteca tabata un digno embajador musical di nos pais, deleitando nos turistanan den e diferente hotelnan mas renombrado di nos pais. Keto bay Trio Huasteca ta gozando di un popularidad inmenso y ta ser solicitada pa diferente actonnan social y cultural. Nan ta e artistanan cultural mas aclamados cerca pueblo, debi cu nan ta gusta presenta pa actonnan humildes. Trio Huasteca ta un di e fuertenan cu te ainda ta luchando pa mantene nos musica folklor na bida. Cada biaha cu nan ta riba escenario of presenta pa fiestanan familiares, ta realmente un placer y satisfaccion pa disfruta di nan fabuloso actuacion cu ta pone tur hende lubida nan problemanan. Ta un honor y privilegio pa PREMIO PADU DEL CARIBE rindi un merecido homenahe na e legendarionan di TRIO HUASTECA, na kendenan Aruba mester ta sumamente orguyoso.

ente serenatanan.

Nan prome apariencia publico tabata durante e transmision di Radio Curom den e show del Jueves", pa cual show tambe a duna nan presentacion Conjunto Estrellas del Caribe y Conunto San Jose. E prome salida publico aki a resulta den un exito y di e forma aki nan a cuminsa toca den diferente clubnan, hotelnan di clase y tambe pa diferente shownan di television. Pa un periodo largo The Three Voices a produci nan propio programa di TV cu tabata yama "The Shinding Show", cual tabata ser realiza live den un forma espectacular for di Roxy Theater.

THE THREE VOICES tabata e prome beat-band cu guitarra electronico den Antiyas Hulandes. Nan tabata toca tur sorto di musica y ritmo. Despues mas beat-band a sigui nan manera e.o. The Three Aces, Telstars, The Heartbreakers, The Vampires, Los Hondas, The Impressions, Spacemasters, The Dangers y mucho mas.

The Three Voices a bishita Aruba Aruba den masha hopi ocasion; cual temponan ey nan tabata presenta mano a mano cu e mihor beat-bandnan di Aruba manera: The Creole Cats (cu Julio Bernardo Euson), The Magnificent Five (cu Ossy Figaroa), The Golden Treasures y The Aftermaths.

Den e temponan ey e contestnan entre e beat-bandnan tabata tuma lugar den Roxy Theater y tur biaha nan tabata sali number 1. Tambe den e final entre e beat-bandnan Antiyano, The Three Voices tabata sali number 1. Tambe nan tabata gana premio como mihor vestuario, coreografia, mihor presentacion, y e banda cu mas harmonia.

THE THREE VOICES a yega di presenta den diferente paisnan manera e.o. Venezuela pa e prestigioso programa di television di Renny Ottolina na

Radio Caracas TV, El Show de Chelique Sarabia, na unda nan a presenta cu Los Impalas (Henry Stevens), Los Dynamites (Rudy Marquez), Los 007, Los Supersonicos, Los Cuatro Monedas, Trio Venezuela (Mirtha Perez), Cherry Navaro, Myrtha Castellano, Rosa Virginia y Maria Teresa Chacin, Hugo Blanco y tambe den e "Feria de los Vaqueros".


Na Puerto Rico pa e planta di television Puerto Rico durante e show di Luis Mercano. Na Hulanda The Three Voices a presenta den varios ocasion pa tanto actonnan di Gobierno Antiyano, como tambe pa studentenan y diferente night-clubnan.

The Three Voices a presenta cu hopi artistanan famoso manera e.o. Paul Anka, Aretha Franklin, The Drifters, The Shindogs, Chubby Checker (tur di Estados Unidos), Tito Rodríguez (Puerto Rico), Los Loud Jets (Mexico), The Cats (Hulanda), Los Angeles Negros (Chile), Celia Cruz y Nestor Zavarce (Cuba), Los Impala y Los 007 di Venezuela.

Actualmente keto bay THE THREE VOICES ta activo cu nan miembronan fundador Toby Lampe, Boy Wout y Gee St. Jago. Nan ta presentando keto bay e musica y ritmonan di '60 y '80. Awendia e banda ta consisti di 6 integrante; Boy Wout (lead-guitar/cantante), Toby Lampe (segundo guitarra/cantante), Humphrey Balootje (bass-player/cantante), Billy Adams (keyboard/synthysizer), Gee St. Jago (conga/percusion) y Freddy Sadek (drummer/percusion).

Cu refuerzo di e demas integrantesnan aki, The Three Voices a bira awor; The Three Voices & Company. Pa PREMIO PADU DEL CARIBE ta un honor y privilegio pa rindi un homenahe na THE THREE VOICES.

PREMIO PADU DEL CARIBE TA RINDI UN HOMENAHE SPECIAL NA "THE THREE VOICES"..



THE THREE VOICES representa pa Tobias "Toby Lampe", Gilbert "Boy" Wout y Humphrey Balootje, lo ta presente durante e grandioso

anochi di PREMIO PADU DEL CARIBE '97, pa asina ricibi nan merecido homenahe dilanti e pantaya di Tele Aruba y tur esnan presente den Cas di

Cultura.

E fenomenal trio aki durante e epocanan di '60 y '70 tabata un di e bandanan mas favorito y aclama pa e juventud. Awe keto bay nan ta treciendo grato recuerdonan den diferente reflection party tanto na Curacao como aki tambe na Aruba den vez encuando.

Tabata na año 1955 porcierto dia 16 di april cu e banda aki a nace, despues cu Toby Lampe a haya un guitarra spaño for di su omo, kende den e tempo ey tabata gusta toca e musica di Tango di e famoso cantante argentino Carlos Gardel. Hunto cu su dos amigonan Boy Wout y Stanley Braaf, e number di THE THREE VOICES a nace.

Tabata durante campvuur organiza pa padvinderan, nan a cuminsa ta toca ranchera, bolero, country music y rock & roll. Asina nan a sigui duna presentacionnan pa amigonan y conocirnan y tambe pa difer-

BACK TO THE '80 TA BAY TA UNO GRANDI.

** Dia 2 di mei proximo e popular dj Chando Colina ta bay organiza su di 2 "Back To the '80", cual lo bay tuma lugar den Club Champagne. Durante e anochi aki lo bay tin diferente djnan cu lo transporta tur hende den e dushi tempo di e epoca 80. Tur cos lo bay den tempo, merengue, breakdance, pop, cadance, rock y balada. Tambe cada rato lo bay tin un alarma cu lo anucia cu e drinksnan ta pa 2 dollar. Esaki ta e BACK TO THE '80 ORIGINAL y corda bon cu Club Champagne ta LIMITA..